

GALATIANSO

Baaru nna pānde kunlo

¹⁻² Makū Pɔlu Luda z̄iri k̄u ma Yesude dake k̄u ó lɛɛlɛnɔ pínki, ókɔnɔ mé o takada dí k̄è sɔsi gb̄e k̄u ò kú Galatia b̄usu ḡunnɔnɛ. *fZ̄ir 16:6* Ma kunna z̄iri ũ dí bo gb̄enɔ k̄inaa ke bis̄asiri ḡairo, Yesu Kirisi k̄u De Luda k̄u à a fùte bona ganwo mé à ma z̄i. ³ Ó De Luda k̄u Dikiri Yesu Kirisio gb̄eke k̄eáre, à á gba aafia. ⁴ Kirisi ḡi a w̄èndiii ó De Luda p̄yenyĩnaaa, à ó durunna k̄èwá de à ó bo andunia tera v̄ani d̄in. ⁵ Luda mé à gakuri v̄i ḡorɔ s̄inda p̄inki! Aami.

⁶ Kū áten kpe li Luda k̄u à á sísi a gb̄eke ḡunne likalika lán dí bà, à are d̄ò zé pāndea, yā pii b̄o ma sare manamana. ⁷ Baaru nna pānde ke kunlo. Gb̄e k̄u ò ye ò Kirisi baaruu p̄i litenɔ teni á likaramɛ. ⁸ Bee tó ókɔnɔ ke malaika k̄u à b̄o ludambɛ baaru nna k̄u adi k̄ó sé k̄u a k̄u o òáreoro waazi k̄eáre, Luda láari boa. ⁹ O òáre yā ak̄us̄ maten oáre d̄o, tó gb̄eke baaru nna k̄u adi k̄ó sé k̄u a k̄u a màaoro waazi k̄eáre, Luda láari boa.

¹⁰ Maten s̄áabu wete bis̄asirian yá, ke Luda? Maten wete ma yā ká bis̄asirigun yá? Tó bis̄asirin má ye à kán̄gu ari tera, de Kirisi z̄òbleriin ma ũro.

Yesu Pɔlu s̄ena a z̄iri ũ

¹¹ Ma gb̄enɔ, má ye à d̄ó k̄u baaru nna k̄u madi kpááre dí bo bis̄asiri k̄inaaro. ¹² Mádi ma bis̄asiri k̄inaaro, gb̄eke mé à d̄amɛnɛro, Yesu Kirisi mé à b̄o à s̄òmɛnɛ.

13 A mà lákū má kun nà yā Yudanɔ donyīzen. Ma Luda sɔsi gbēnɔ wé tã pāsīpāsī, ma wète mà n kakate.*fZīr 8:3* 14 Ma Yudanɔ donyīze pì yā kù ɔplapla de ma sáranɔla dasi, ma kokari deńla ó dizinɔ futεokarayā pìi gūn. 15 Ama Luda ma dite a pó ũ zaa ma da gberen. Kū ma sísina a gbēke gūn gɔrɔ kàme, 16 akū à a Né gbàrema,*fZīr 9:3-6* de mà a baaru nna kpá buri pāndenɔne. Mádi gé dada gbēke kiaro, 17 mádi gé Yurusalemu gbē kū ò kun žirinɔ ũ ma ānɔ kīnaaro, ma ge Larubunɔ busun gònɔme, akū ma era ma su Damasuku.

18 Wè aakɔ gberan ma ge Yurusalemu, de ò kɔ dɔ kū Pitao, akū ma ke kāao gɔrɔ gēro.*fZīr 9:26-30* 19 Mádi žiri pānde ero, séde Dikiri dakūna Yamisi. 20 Yā kū ma kèáre pìi, ma sì kū Ludao kū adi ke éken ma tòro. 21 Abire gbera ma ge Siria busun kū Silisia busuuo. 22 Gɔrɔ birea Kirisi sɔsi gbē kū ò kú Yudeanɔ dí wé simalero, 23 ama ò mà ò pì, gbē kū àteni n wé tã yā mé àten donyīze kū à wète à kakate pì waazi ke tera sà, 24 akū ò Luda tó bò ma yā musu.

2

Pɔlu kɔyāmana kū žiri kparanɔ

1 Wè kuri awεesiikɔ gbera ma era ma ge Yurusalemu kū Baanabao.*fZīr 15:2-4* Ma Titu sè, à gèe kūoo se. 2 Ma ge gwe, kū Luda mé à bò à sùma à pì mà gé yāime. Akū ma baaru nna kū madì kpá buri pāndenɔne bòkɔte gbē kū ò de gbē zòkɔ ũnɔne ntēne, de zī kū ma kè kū a kū maten keo sún ke pāro. 3 Titu kū ó lεεε, bee kū a Girikikennaao, odi gā naa à tò zōro. 4 Yā pìi fùte Yesude éke kū ò gèwái

kpāninɔ musumε. Ò gèwáí de ò ó zĩdadekena Kirisi Yesu gũn asiri gwa ò ó da zòblemme, ⁵ akū odì we ò mì nàteńnero bee fíti, de à le àgɔ baaru nna pì yāpura kũna yāi. ⁶ Gbē kũ òteni n gwa gbē zōkō ũnɔ dí yāke karamenero. Lákū ò de nà dí kemene yāke ũro, zaakū Luda dì gbēke wé gwaro. ⁷ Ò è Luda baaru nna kpana buri pāndenɔne nāmenε ma ɔĩ, lákū à a kpana Yudanɔne nà Pitane a ɔĩ nà. ⁸ Zaakū lákū Luda zĩ kè Pita gāi nà a kunna zĩri ũ yā musu Yudanɔ té, len à zĩ kè ma gāi buri pāndenɔ té le. ⁹ Yamisi kũ Pitao kũ Yuhana kũ òteni n gwa sɔsi gbègba ũnɔ gba kũ Luda dàmenεε dō, akū ò ɔ kpawá, ókōnɔ kũ Baanabao kōgbēke sèeda ũ. Ò sì ò gé buri pāndenɔ kĩnaa, mókōnɔ sō, Yudanɔ kĩnaa. ¹⁰ Yā kũ ò yein dí, n takasidenɔ yā gō dōgu. Goro birea sō ó mēe wā kũ a kenao kò.

Yesu náanikena mé àdi ó sura ba

¹¹ Kũ Pita sù Antioku, ma ginε tētētē, kũ à zā yāa yāi. ¹² Zaakū ari Yamisi zĩrinɔ gō gé ká, àdi pó ble kũ buri pāndenɔmε. Kũ ò kà, akū à bòru kũ kpeo à kēm̄ma, kũ àten vīna ke Yuda kũ ò zè kũ tōzōna yāonɔne yāi. ¹³ Yuda kparanɔ nāa manafikikēnaa pìi gũn. Bee Baanaba se ò a gà ò nām̄ma. ¹⁴ Kũ ma è ò baaru nna yāpura kũna a zéaro, ma ò Pitane n pínki wára: Mókōn Yuda ina n kun lán buri pānde bà, adi ke lán Yuda bànlo. À kè dera ndi gā na buri pāndenɔa, de ògō Yudanɔ yā kũnaa?

¹⁵ Yudanɔn ó ũ inaa gũn, buri pānde durun-nakerinɔn ó ũro. ¹⁶ Ama ó dō kũ gbēke dì bo mana doka pì kena yāiro, séde Yesu Kirisi náanikena ado.*fRom 3:20, 22* Bee ókōnɔ, o Kirisi Yesu náani

kè, de ò le ò bo mana ó Kirisi náanikenaa pì yáime, adi ke doka pì kena yáinlo, zaakū gbēke di bo mana dokakūna yáiro.*fZab 143:2*¹⁷ Goro kū óten wete ò bo mana Kirisi gūn, tó o è durunnakerinon ó ũ se, abire pì Kirisi ten durunna gba zén yá? Oi! ¹⁸Tó ma era maten doka kū ma gbòro keke, doka pì taariden ma ũ gwe. ¹⁹Zaakū ma gō gè ũ doka pì musu, akū ma kpe line, de mágō kun Luda pó ũ yái. Ma ga lía kū Kirisio. ²⁰Makū mé má kun doro, Kirisi mé à kú ma gūn. Tera sà ma bisāsirikena gūn má kú Luda Né kū à yemai à gí a wèndiii ma yái náanikenaa gūmmē. ²¹Maten Luda gbēke da páro. Tó gbē di bo mana doka pì yáime, de Kirisi gá pāme.

3

Musa doka kū ludanaanikenaao

¹Ákōno Galatia yōnkōno! Ò pó dàáwan yá? O Yesu Kirisi gana lía m̀áre a è sãnsã. ²Má ye mà yá m̀en do gbekaáwa. A Luda Nini lè dokakūna yáin yá, ke yá kū a màa pì náanikena yáime? ³À kè dera a gō yōnkōno ũ lán dí bàa? A naa kū Luda Nini gbãnao, akū áten láka kū á zída gbãnao yá? ⁴Á wari zōkō kè pān yá? Oi, adi ke páro. ⁵Luda a Nini kpàáwa, à daboyāno kè á té á dokakūna yáin yá, ke yá kū a màa pì náanikena yáime?

⁶À gwa Ibrahīa. À Luda náani kè, akū Luda tò yá b̀ò káao nna a náani kū à kè yái.*fNaa 15:6, Rom 4:3* ⁷Ágō dō kū gbē kū òten Luda náani kenō mé ò Ibrahī burino ũ.*fRom 4:16* ⁸Luda yá takada gĩnake à a baaruu kpà Ibrahīne à pì, Luda ni arubarika da buri sīnda pínkigu a gāi,*fNaa 12:3* zaakū Luda yá takada pì gĩnake à dō kū Luda ni

tó yā bo nna kū buri pāndenɔ a náani kū oni ke yāi. ⁹ Len Luda di arubarika da gbē kū òteni a náani kenɔgu le, lākū à kè a náanikeri Ibrahĩne nà. ¹⁰ Gbē kū à zè kū dokakūnaao gò láari pó ũme, zaakū à kēna Luda yān ò pì, gbē kū òdigò yā kū ò kú doka takada gūnnɔ kūna pínki a zéaro bi láari pómé. ¹¹ Ó dō sānsān kū Luda di tó yā bò kūrwo nna dokakūna yāiro, zaakū ò pì, gbē kū Luda tò yā bò kāao nna a náani kū àten ke yāi mé anigò kun. ¹² Doka dí kò le kū ludanaanikenaoro, zaakū ò pì, gbē kū à yā pìi kèè, ade ni wèndi le a gūn. ¹³ Kirisi gò láari pó ũ ó gēne ũ, à ó bó doka láari gūn, zaakū à kēna Luda yān ò pì, gbē kū ò lòko lía bi láari pómé. ¹⁴ Abire kè le de arubarika kū Luda dà Ibrahĩgu le à gò buri pāndenɔne Kirisi Yesu gāime, de ò Nini kū Luda a lé sè le a náanikena yāi.

Musa doka kū Luda léɛnaao

¹⁵ Ma gbēnɔ, bisāsiri yākena takan maten oáre. Tó gbē légbɛɛ dìte, akūsò à sèedadenɔ vī, oni fō ò gbororo, oni fō ò yāke karanlo. ¹⁶ Len Luda lé sè Ibrahĩne le kū a burio.*fNaa 12:7* Luda yā takada dí pi kū a burinɔ lākū parin à témma bàro, à pì kū a buriomé. Gbē mèn don à téa, àkūme Kirisi ũ. ¹⁷ Yā kū má ye mà on dí: Luda gĩnake à lé sène yā à pì a bàka nigò kú kāao. Wè wàa pla kū mèn baraakurio gberan doka sù.*fBon 12:40* Doka pì ni fō à léɛnaa pìi gbororo, ani fō à a ke pāro. ¹⁸ Tó òdi Luda arubarika le dokakūnaa gūn, de adi bo a léɛnaa gūn doro. Ama Luda gbēke kè Ibrahĩne, kū à a lé sène yāime.*fRom 4:14* ¹⁹ Bóyāi à doka dìtei dɔɔ? À doka kàra ari Ibrahĩ buri kū Luda lé sè a yā

musu gō sumε, de gbēno le ò dō kũ ò de taaridenō ũ Luda kīnaa yāi. Luda a doka pì kpà malaikanōa, ò nà yākekeriine a oĩ, à dite gbēnoε. ²⁰ Luda lésena sō, a yāme ado, a bàka kú kũ yākekeriioro.

²¹ Tò, doka pì bò Luda lésena kpen yá? Lenlo! Tó doka kũ àdi wèndi kpámma kun yā, de o bo mana doka pì yāi. ²² À kēna Luda yān ò pì, durunna gbē sīnda pínki kà kpén, de arubarika kũ Luda a lé sèε pì le à gō Yesu Kirisi náanikerino pó ũ a náani kũ òten ke pì yāi.

²³ Zaade Yesunaanikena dí suro, doka ó ká kpén, à ó kũna purusunano ũ ari Yesunaanikena kũ àten su gèε à bòo gupuraa. ²⁴ Len doka pì de ó gwàri ũ le yā ari Kirisi gō su, de ò bo mana a náanikena yāi. ²⁵ Lákũ Yesunaanikēnaa sù nà sà, o bo ó gwàri yān.

²⁶ Kunna Kirisi Yesu gūn á de Luda néno ũ á pínki a náani kũ àten ke yāi, ²⁷ zaakũ ákōno kũ a da'ite kè Kirisi pó ũno, a Kirisi dàa sèε. ²⁸ Yudanō kũ buri pāndenō, zōno kũ zīdadeno, gōgbēno kũ nōgbēnon donadona kōnero, zaakũ á pínki pó dokōnon á ũ kunna Kirisi Yesu gūn. ²⁹ Tó á de Kirisi pó ũ, á de Ibrahī burino ũme, akūsō á de arubarika kũ Luda a lé sèneε blèrino ũ.*fRom 4:13*

4

¹ Maten oáre, goro kũ túbileri de né ũ, bee tó a de aruzekenon de a pó ũ pínki, à de zòlaro. ² Àdi mì nate gwàrinone kũ gbē zōkōno ari goro kũ a de dìtea. ³ Len ókōno se, goro kũ ódi kàsara kũro, odì zò ble andunia pó kũ òdi mì nateñnenone.*fGal 4:9, Kōl 2:8, 20* ⁴ Kũ goro kũ Luda dìte kà, à a Né zì, ò a ì bisāsiri ina ũ Musa doka gūn, ⁵ de à ókōno kũ óten zò ble Musa

dokanɛnɔ bo, ò gɔ̃ a nɛnɔ ũ. ⁶ Luda a Né Nini dà ó swèɛ gūn, kū ó de a nɛnɔ ũ yāi. Nini pìi dì wiki lé à pi: Baa, ma De! ⁷ Abire yāi zòome n ũ doro, nème n ũ. Lákū Luda nème n ũ nà, à n ke a túbiblieri ũme. *fRom 8:15-17*

Pɔlu bídikena Galatianɔ yāa

⁸ Gɔrɔ kū á Luda dɔro, adì do pɔ kū ò de Luda ũronɔi. *f1Kɔ 8:4-6* ⁹ Lákū á Luda dɔ̃ nà tera sà, atɛnsa kū Luda á dɔ̃, bóyāi a era áten are dɔ pɔ gina futa gbānasari pìnɔa dɔɔ? Bóyāin a era á ye à dońyĩ dɔɔ? ¹⁰ Adì gɔrɔ kenɔ kū mɔ kenɔ kū dikpe kenɔ kū wè kenɔ tè bo. *fRom 14:5, Kɔl 2:16* ¹¹ Vĩna ma kū á yā musu. Ase zĩ pān ma kè á té yá?

¹² Ma gbɛnɔ, ma wé kèáwa, à gɔ̃ lán ma bà, zaakū ma gɔ̃ lán á bà. Ádi taari kemene yāro. ¹³ Á dɔ̃ kū gyākenaa gūnn ma baaru nna kpàáre káaku. ¹⁴ Bee kū ma gyākena kèáre yɔogwana ũ, ádi ma gya boro ádi lé'i kúmaro, a ma si lán Luda malaika kesɔ Kirisi Yesu bàme. ¹⁵ Arubarika kū áten kemene yā kè deraa? Mani fɔ̃ mà o á yā musu mà pi, tó ani sí ke yā, de a á wé bòbo a kpàma. ¹⁶ Kū ma yāpura òáre yāin ma gɔ̃ á zānguri ũ sà yá? ¹⁷ Gbɛ kúnɔ mèe wà kū á yāo, ama a mana yāinlo. Ò ye à kèwáme, de à nańma. ¹⁸ Mèwāna kū gbɛ yāo a mana yāi mé à nna. Ma mèe wà kū á yāo gɔrɔ sīnda pínkime, adi ke gɔrɔ kū má kú kááo adonlo. ¹⁹ Ma né yenyĩdenɔ, mateni á ina wāwā ke dɔ ari Kirisi gɔ̃ sà da á gūn. ²⁰ Má ye màgɔ̃ kú kááo tera, de mà a yā'ona lite, zaakū ma bídi kè á yāame.

Hazara kū Sarao

21 À omene, ákõno kũ á ye doka iko víáwano, ádi yá kũ à kēna Musa doka takada gũn maroo? 22 Ò pì Ibrahĩ nэгõgbēno ì gbēnon pla. À a do ì kũ zòome,*fNaa 16:15* akũ à a do ì kũ zĩdadeo.*fNaa 21:1-2* 23 Zòo pì né ì bisāsirikēnaa gũmmē, akũ zĩdade a pó ì Luda lésena yāi.*fRom 9:7-8* 24 Nõgbē pino yā dewere yáasi taka ũ, Luda bàka konna kũńwo yā leu pla ũ. A do bò Sinai kpi kĩnaame, ádi zòkena ínne. Àkũ mé à Hazara ũ. 25 À de Sinai kpi kũ à kú Larubuno búsun yáasi taka ũ. Yurusalemu tera de a ũ do, zaakũ àten zò ble kũ a gbēno ñ pínkime. 26 Yurusalemu kũ à kú musumē zĩdade ũ. Àkũmē ó da ũ. 27 Zaakũ à kēna Luda yān ò pì: Ñ ponna ke, mǎkõn para kũ ñdi né iro! Ñ ayuwii ke, mǎkõn kũ ñdi nõwāwā kero! Zaakũ mǎkõn kũ n zā pā kpányĩ, n né dasi de nõgbē kũ a zā are d̀ba póla. 28 Ákõno sō ma gbēno, Luda lésena nēnon á ũ lán Isaaku bà. 29 Né kũ ò a ì bisāsirikēnaa gũn wari dò né kũ ò a ì kũ Luda Nini gbānaooa. Len à de le kũ a terao. 30 À kēna Luda yān deramē? Ò pì: Ñ pé zòo pìia kũ a néo, zaakũ zò né ni túbi ble kũ zĩdade néoro.*fNaa 21:10* 31 Abire yāi ma gbēno, zò nēnon ó ũro, zĩdade nēnon ó ũ.

5

Gõna zĩdadeno ũ Kirisi gũn

1 Gõna zĩdadeno ũ yāin Kirisi ó bói. À zeo gíngin, àsun tó ò era ò bà kááre á yĩn zòno ũ doroo.

2 Makũ Polu maten oáre, tó a tò ò t̀õ zòáre, Kirisi ni karana keáero. 3 Ma era ma ò, ma karaáre, gbē

kū à tò ò t̃̀z̃̀arε, séto à mì natε Musa dokanε pínki.
 4 Ák̃̀ñ̀o kū átεn wεtε à bo mana doka gūnñ̀o, a á z̃̀ida k̃̀e Kirisia, a k̃̀e Luda gb̃̀εk̃̀εa. 5 Yesu náanikenaa gūn ó bona mana t̃̀amaa ṽ̀i, ó wé d̃̀oi kū a Nini gb̃̀ánao. 6 Kirisi Yesu gūn t̃̀z̃̀ona ke t̃̀z̃̀onasari ỹ̀ake ṽ̀i, séde Yesu náanikεna kū àdi yenỹ̀i ĩ̀nε.

7 Átεn gé arε ỹ̀a manamana. Dí mé à tεna ỹ̀apurai zé z̃̀árεε? 8 Ỹ̀a kū a a zé lè dí bo Luda kū à á sísi à á sé k̃̀inaaro. 9 L̃̀ub̃̀εnε fitinna dì flawadεna futε pínki.*f1K̃̀o 5:6* 10 Má á náani ṽ̀i Dikiri gūn, kū áni ñ̀εε p̃̀andε daro. Gb̃̀ε kū àtεni á likara s̃̀o, ani a z̃̀i gb̃̀ε le, bee díμε. 11 Makū s̃̀o ma gb̃̀εñ̀o, tó t̃̀z̃̀ona waazin matεn kε ari gb̃̀ara, b̃̀oỹ̀ai òtεni ma wé t̃̀ai d̃̀oo? Tó lεmε, de Kirisi gana lía ỹ̀a ni ũ gb̃̀εkearo. 12 Gb̃̀ε kū òtεni á likara kū t̃̀z̃̀ona ỹ̀aoñ̀o gé ò ñ̀ z̃̀ida f̃̀εrε kε se.

13 Ák̃̀ñ̀o s̃̀o ma gb̃̀εñ̀o, Luda á sísi à g̃̀o z̃̀idadεñ̀o ũmε, ama àsun tó á g̃̀ona z̃̀idadεñ̀o ũ p̃̀i g̃̀árε p̃̀oyeinakεna zé ũro. Àg̃̀o mì natek̃̀nε kū yenỹ̀o, 14 zaakū ỹ̀a m̃̀en do dík̃̀iname Musa doka sínda pínki mì ũ: Ñg̃̀o ye n gb̃̀εdakei lán n z̃̀ida w̃̀endii bà. 15 Tó átεn saka t̃̀t̃̀k̃̀oá átεn k̃̀o sóso, à laakari kε k̃̀kakatεnaai.

Luda Nini donnεna arε

16 Matεn oárε, à tó Luda Nini doárε arε, á bis̃̀asirike p̃̀oyeina ni láka. 17 Á bis̃̀asirike p̃̀oyeinaa dì k̃̀o sé kū Luda Nini p̃̀oro, akūs̃̀o Luda Nini p̃̀oyeinaa dì k̃̀o sé kū á bis̃̀asirike p̃̀oro. Òdi g̃̀ik̃̀imε, abire ỹ̀ai ad̃̀i f̃̀o à ỹ̀a kū á yei k̃̀ero.*fRom 7:15-23* 18 Tó Luda Nini tεn doárε arε, doka iko ṽ̀iáwaro.

19 Ó ó bisāsirike dàno dō sānsān: Pāpākenaa, gbāsīkenaa, wé'isariyā, 20 tñagbagbanaa, gāwākenaa, zāngu, fitii, nèsegōbaa, nèsewānaa, denlawetēnaa, kēkēkōanaa, kōkpaatēnaa, 21 kēna kū kōo ĩni, wēdenaa, fāai pāpā bona kū yā bire takano. Ma a lé dàáwa lākū ma dàáwa nà yā, yā bire taka kèrinno ni kpata kū à bō Luda kīnaa lero.

22 Luda Nini sō, àdi yenyī ĩnne kū pōnnao kū aafiaao kū menao kū gbēkeo kū manakenaao kū náanio 23 kū busekenaao kū zīdakūnadōnaao. Doka ke di gí yā bireno takairo. 24 Gbē kū ò de Kirisi Yesu pó ũno ñ bisāsirike dàa pà lía kū a pónidenano kū a poyeinano lēle. 25 Lākū ó kú Luda Nini gāi nà, ò a dōro sé. 26 Òsungō yògō vīro, òsun kō dōkōaro, òsun gōbaa kpá kū kōoro.

6

Ɖana kōa

1 Ma gbēno, tó á gbēke sù à sàte à durunna kè, ákōno kū Luda Nini ten doáre areno à gōgō kāao busebuse, à laakari ke de òsun á yō ò gwa sero. 2 Àgō kō aso sé. Áten Kirisi doka papan gwe. 3 Tó gbēke teni a zīda gwa pōke ũ, akūsō à kun pōke ũro, àteni a zīda sātēme. 4 Baadi a yākena tàasi ká gbasa à ĩa dā. Àsun a yā lekōa kū gbē pānde pōoro, 5 zaakū baadi ni a zīda aso séme.

6 Gbē kū òten Luda yā dane, à a aruzeke li a danneriine.

7 Àsun á zīda kekero, Luda dí sí foboro. Pó kū gbē tōon àdi kē. 8 Tó gbē tō a bisāsirike dàaa, ani kakatēna ine. Tó gbē tō Luda Nini donēna are gūn sō, ani wēndi kū àdi lākaro ine. 9 Òsun kpasa kū

yāmanakenaaro, zaakū tó ódi kámma booro, óni àre le a gɔɔa. ¹⁰ Abire yāi tó o zé lè, ògɔ a mana ke gbē sīnda pínkinε, atēnsa ó Yesu náanikeri dakenɔ.

Lézammanaa

¹¹ À wānzān gbàgidigbagidi kū ma kè kū ma zīda ɔɔ gwa sà.

¹² Gbē kū òten yā ke gbēnɔ wé yāinɔ mé òten gā naáwa kū t̄z̄na yāo, de òsun wé tām̄ma zena kū Kirisi gana lía yāoro yāi. ¹³ Bee t̄z̄rii pìnɔ se, ò doka kūnaro. Ò ye à t̄ z̄, de ò le ò ïa dā á sèedaa p̄i yā musu yāimε. ¹⁴ Mani ïa dā p̄oke yā musuro, séde ó Dikiri Yesu Kirisi gana lía yā baasiro, zaakū a yāi andunia ḡm̄εε gè ũ akūs̄ ma ḡ gè ũ andunianε.

¹⁵ T̄z̄na ke t̄z̄nasari yāke v̄iro, séde ḡna gbē dufu ũ. ¹⁶ Luda gbēke ke gbē kū ò yā p̄i kūnan̄ε, à n̄ gba aafiaa. Mók̄n̄mε Isaraila yāpuranɔ ũ.

¹⁷ Zaa gbāragbēke sún ma wé tā dororo. Wari kū ò d̄ma Yesu yāi b̄gbε kpé kú ma m̄εa.

¹⁸ Ma gbēnɔ, ó Dikiri Yesu Kirisi gbēke keáre! Aami.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3